

**IACOBI SADOLETI ...
DE OBITU OPTIMI,
AC
PRÆSTANTISSIMI
CARDINALIS, ...**

Jacopo Sadoletto



1042. 27

XXVII

1771



XXXVII

SADIL



1062. 22

AT
IACOBI SA-

DOLETI, EPISCO-

PI CARPENTORA-

CTIS, S. R. E.

CARDINA-

LIS,

De obitu optimi, ac præstantissimi

Cardinalis, Fæderici Fregosij,

HOMILIA.



VIRTUTE DVCE,



COMITE FORTVNA.

LVGDVNI APVD SEB.

GRYPHIVM,

1541.



LAURENCE

DOCTOR

OF THE

UNIVERSITY

OF

EDINBURGH

SCOTLAND

1841

3

CECILIA LORRAINE



NOV 21 1841

LIBRARY

OF THE

UNIVERSITY

1042.27

IACOBISA

DOLETI EPISCOPI CAR
PENTORACTIS, AC S. R. E.

Cardinalis, de obitu optimi, ac præ

stantissimi Cardinalis Fœdes

rici Fregosij, Ho

milia.



V D I T A uobis sunt, Fra
tres Charissimi, ea, quæ his
recentibus nuncijs, ipso ru
more famæ luctum atq; mœ
stitiam omnibus bonis denun
ciant, de morte Fœderici Fre
gosij, Eugubinorum ciuitatis
Episcopi, S. R. E. Cardina
lis, hoc quidem etiam ipso honore collegij, sed alijs
maioribus & iustioribus de causis mihi cōiunctissi
mi, huc allata sunt: & quemadmodum ille uir, cuius
in omni præstantissimarum uirtutum genere, atque
laude, paucos omnino similes nostra aspexit ætas, ui
& uehemētia morbi celeriter ablatus, spem omnium
bonorum, quæ ob summam eius uirtutem & sapien
tiam excitata erat, ut magnum in eo præsidium res
bus Christianis constitutum esse putaretur, subito
fractam, debilitatamque reliquit. Audistis, inquam,
hæc omnia, & dolore animi (sic enim oculis uultuq;

præ uobis fertis) profecuti ea estis . Ac nimirum in tanto Christiani nominis detrimento, tantaq; Reip. iactura omnes , qui sensum humanitatis habeant, Christianæque religionis aliquo amore tangantur, angî, & dolere nō mediocriter, necesse est. Ego uerò, qui duplici ex hoc nuncio uulnere sum percussus, quicq; maximas habeo & publicè & priuatim lugini, atque mœrendi causas, quòd & Reipub. damno, quæ mihi omnium rerum est charissima, uehemēter commoueor , & proprias meas commoditates , iucunditatesq; , quibus ex huius uiri amicitia multifariam perfruebar, amissas desidero, quo tandem animo debeo esse? Eo scilicet, quo sunt hi, qui res, quas habuerunt gratissimas , cum amiserunt, eas quas etiā nunc habēt, non ingratas modò, uerū odiosas etiā, ac molestas ab sese nequeunt eiicere. Nam cum mihi antea grauis hæc uita esse uideretur, quam urgere iam cœperat, & obsidebat senectus, uiresq; eam deficiebant cum animi, tum corporis, tum autem damna, & pericula Reip. habebant sollicitam: unum hoc manebat adhuc solatium, quod reliquis curis meis, animiq; sollicitudinibus erat leuamēto, quòd aliquot amicissimorum, eorundemq; honoratissimorum hominum & dignitate, & beneuolentia ipse me consolabar, quòd habebam quibus cum cōmunīcarē, ad quos referrem, quorum fide, amore, auctoritate, gratia, in meis actionibus omnibus subleuarer, & niterer, tam his quæ ad me ipsum, quàm

ijs quæ ad cogitationem de Rep. pertinerent: quãdoquidem eramus in ea sensibus planè uoluntatibusq; coniuncti. Nunc cùm maneant eadem & senectutis & temporũ uitia, rebusq; in deterius quotidie prolabantibus nihil iam ostendatur alicunde bonæ salutis & auxiliij: si hi quoq; præterea accedunt mihi ex amissionibus & interitu familiarissimorũ, quotidiani mœrores, eaq; solatia, quæ prius me sustentabant, non solum nunc deficiunt, sed in maiorem etiam, & acerbiores mihi conuertuntur dolorem, Quoniam me uertam? Quid agam? Quæ res mihi superest in uita, quæ iam solatio, & delectationi esse possit, per quam eam ego traducere, si non iucundè (hoc enim uerborũ iam pridè ex usu & consuetudine nostra sublatum est) at saltem minus miserè tolerabiliterq; possim? Vna ratio est, opinor, (quæ tamen sola plurimum semper ualuit, nec potest unquam nobis benè sentientibus eripi) ut tandem aliquando tot rebus aduersis, tot castigationibus admoniti, spem unicam rerum omnium nostrarum in unius Dei clementia, & bonitate reponamus. Hanc sententiam, & hunc motum animi nostrum ut communicaremus uobiscum, uosq; adhiberemus tum socios doloris nostri, tum consolationis participes (quæ una consolatio ex Deo nobis esse potest) idcirco uos aduocari curauimus, accepturi à uobis mœroris nostri leuationem, impertituri uobis confirmandi animi ex sacris literis doctrinam. Qua in re quidem uobiscum,

& cum humano genere, benignissime egit Deus, qui sua diuina prouidentia sic constituit, ut in tam uarijs fluctibus, & agitationibus hominum uitæ, res aduersæ multorum societate lenirentur, secundæ autem & ex sententia fluentes, eadem societate etiam augerentur. Sunt igitur mihi ea uobis commemoranda, quæ etsi aliàs nonnunquam acta uobiscum, & à me uobis demonstrata sunt, nouis tamen quoridie admonitionibus, tantorum præsertim uirorum funcribus animaduertendis, & repetuntur utiliter, & in memoriam rediguntur, pertinent quæ sola ad ueram salutem, & felicitatem uestram: si non auribus modò, uerùm etiam animis uos ea percipere, & comprehendere studeatis: ut uidelicet omisissis, & neglectis illecebris huius mûdi, quæ nihil aliud sunt, quàm, ut uos ipsimet intelligere potestis, frustratio uitæ, regnum mortis, opinionum uanitas, inutile corporum studium, si cupitis esse salui, spes & rationes uitæ uestras in unum Deum æternum & omnipotentem, & in eius filium IESVM Christum uniuersas conferatis. Hæc, fratres, summa est moniti & consilij nostri: huc omnis nostra tendit, nititurque cohortatio, ut quod non optimum modò factu, sed solum factu bonum est: id & ipsi nobis, quoad possumus, capiamus, & uobis capiendum consulamus: & tamen pro illa sancta necessitudine, quæ mihi uobiscum est, proque charitate paterna, qua erga uos sumus affecti, ita uobis cupimus proficere hoc consi-

lium,

lium, sicut & nobis. Non enim id, etsi uoce nostra apud uos prolatum est, ex me tamen uobis datum est: sed utrisque nobis ab ipso Deo datur. Ait enim Spiritus sanctus: Conijce in Domino cogitatum tuum, & ipse te enutriet. Quid ergo mundus, non ne nos nutrit? dat ille quidem nobis de suo cibaria: uerum illæ escæ uenenatę sunt, sumuntur enim ad perniciem & mortē, nisi quotidiano antidoto nos ipsos muniamus, quod antidotum CHRISTVS est. At Dei sermo ita nos nutrit, ut uiuificet: ita pascit, ut delectet: ita conseruat, ut immortales efficiat. Quis est autem iste Dei sermo? Audite fratres, & cognoscite Spiritus sancti uerba, penitusq; illa uestris mētibus, animisq; mandate: Ne diligatis mundum, inquit, neque ea quæ in mundo sunt: si quis diligit mundum, non est charitas patris in eo. Quomodo charitas? tanta ne est alienatio, tanta distractio Deo atque mundo, ut utrum habere uelis, alterum deserere omnino necesse sit, & utri sis amicus, cum altero inimicitias necessario proficere? Est illa planè fratres: quod & alio loco uoce Domini est testatum, Non posse nos simul & Deo inseruire, & mundo. Nam illud MAMMONAE uerbum, quod ibidem in Euangelio positum est, aptè admodum complectitur Syrorum lingua, quid sit de hoc mundo quod fugere debeamus. Quandoquidem MVNDI uocabulum uarium ipsum, & multiplex, non semper eodem modo in scriptura sancta accipitur. Mundus

enim

enim hic, qui oculis subiectus est, & tantorum corporum, totq; rerum aceruis, & coagmētatione compositus, quoniam à Deo factus est, non solùm bonus ipse est, sed ex sese nobis præbet etiam facultatem (si sana & sobria mente illum pertractemus) ex operibus in eo à Deo factis, ad ipsum architectum & principem tanti operis noscēdum, colendum, uenerandumq; accedendi. Neq; uerò aliud quæcunq; extant in eo (quæ ab eodem Deo effecta, omnia bona sunt: Vidit enim Deus omnia quæ fecerat, & erant ualde bona) non aliud, inquam, cuncta nobis annunciant, nisi uim, & uirtutem, & maiestatem summi Dei, siue quæ cælum ipsum distinguunt, siderum & luminum insignia & ornamenta, siue quæ æthere, quæ mari, quæ terra continentur. Cœli enarrant gloriam Dei, & opera manuum eius annunciat firmamentū. Atq; hoc modo Mundus acceptus, non modo non est fugiendus à nobis, uerùm etiam expetendus: quouidelicet gradus ex illo nobis faciamus, quibus ad indagationem, & quoad licet, ad adeptionem summi in Deo boni possimus ascendere. Qua quidem ratione scabellum pedum Domini Terra in scripturis, Cælum autem eiusdem domus, habitatioq; uocatur. Sed si idem Mundus, qui gradus in cælum nobis & uia, quiq; peregrinātib; diuersorium esse debet, pro peculiari patria & statione nostra à nobis accipiatur; in eoq; tanquam domicilio proprio, sedes & fortunas, & præsidia omnia uitæ constitua-

mus : tum hæc illa est mundi dilectio, quæ à Deo est auersio, quæ coire, & coniungi cum charitate Dei non potest. Quid enim iniustius, magis'ue potest esse contumeliosum erga Deum, quàm ipsum illum uerum Dominum & patrem nostrum relinquere, falsoq; patri & domino studia nostra Mundo nos adijcere. Hæc est Mundi amicitia, quam alius Apostolus apertè inimicitiam esse aduersus Deum pronunciat. Etenim quid minus ferri, aut quid potest iniuriosius cogitari, quàm conseruum nostrum præferri à nobis cõmuni domino, & eum quidem nobis nec autoritate, nec gratia apud dominum ipsum parem, ut & in eligendo dementes, & in deponenda Dei beneficiorum memoria ingrati, & in uiolanda gloria diuinitatis impij iudicemur? Ipse enim Deus is est, qui nos creauit, qui genuit, qui in faciē nostrā spiraculum uitæ inspirauit: ex quo factus est Homo in animam uiuentem. Nec hoc solùm, sed honorē etiam habens nobis ante ulla merita, huic inferiori mundo, terræ, mari, stirpibus, animantibusq; præfecit: uoluitq; nos non exiguę partis operum suorum, tanquam alteros quodā modo ad imaginem ipsius effectos Deos, rectores & gubernatores existere. Ac ne hîc quidem ipsius diuina beneficentia constitit: uerum postea quoque peccato primî parentis repudiatos, & reiectos, & ad offensionē ipsius, nostrūq; interitum cõmuniter nascentes, secundum magnitudinem bonitatis suæ miseratus, missō in terras filio

fuo unico, eoq; oblato pro nobis in mortem & crucem, in suam, maiorem etiam quàm antea, per eundem filium suum gratiam restituit, fratresq; domini IESV Christi, & sibi filios nos uoluit nominari, nec ullum officium unquam optimi parentis erga nos prætermisit. Nos ne ergo tantis à Deo affecti beneficijs, tot honoribus ornati, in tãta spe cœlestis gloriæ, immortalitatisq; locati, atque adeo in eam, cum iam inde excidissemus, repositi, omnium bonorum nostrorum autorem Deum relinquemus? & ad nostrorum malorum autorem omnium Mundum confugiemus? quem mundum cùm Dominus Mammonam uocat, (peregrino ille quidem uocabulo, sed ad exprimendum quod uolebat idoneo) non hanc mundi fabricam, nec corpora, quæ in ea sunt, (quæ, ut diximus, instrumenta sunt nobis, si rite accipiamus, ad inquirendum & inuestigandū Deum) sed ea quæ uerbum illud significat, Diuitias, Delitias, Suauitates mundi uitandas esse nobis denotauit: quòd simul eis & Deo non possit ab hominibus inserui. Hic ergo ille est Mundus, quem qui diligit (ut ad Apostoli uerba reuertamur) non est charitas patris in illo: nō potest enim amare patrē Deum, qui parenti alteri suam beneuolentiam addixit: & qui bonorum mundi cupit esse hæres, is certe cœlestem Dei hereditatem non expectat. Quis enim non intelligat utriusque unā, & Dei, & mundi nos hæredes esse non posse? Sed quod dominus IESVS uno uer-

bo, id

bo, id Apostolus Ioannes tribus sententijs explicauit: pergit enim quasi rationem sui dicti reddens, Quoniam, inquit, omne quod est in mundo, concupiscentia carnis, & concupiscentia oculorum, & ostentatio uitę, non est ex patre, sed ex mundo est: & mundus præterit, & concupiscentia eius: qui autem facit uoluntatē Dei, manet in æternū. Habetis, fratres, oraculū Spiritus sancti ex scripturis, non obscurū neque ambiguum, ut aliquādo esse nonnulla solent: sed apertum, & patens, quodq; tardis etiam mētibus, & rudibus facile sit perceptu. quanquam illud cautē & sapienter ab Apostolo positū est, qui non dixit, Omne quod in mundo sit, ex patre Deo non esse. Agnoscimus enim & mundum totum, & cuncta quę in eo sunt, esse ex Deo: sed omne quod huiusmodi est, ut horum trium quodlibet sit, tria q; adeo ista nequaquā esse ex Deo, ideoq; illius & maiestati & uoluntati esse contraria: ut si cum Deo iungi, & copulari uelimus, ab horum trium labe, & tanquam pestis contagione, recedere debeamus. Non enim inter discrepantes, & studijs diuersis, ac repugnātib; deditos, hærere amor potest: sed conformatio, sed consensio, sed similitudo facit beneuolētiā: eadem conflat amicitiam, quam sequitur congressus & familiaritatis iucunditas, hoc maior, quo diuturnior: & ideo apud Deum maxima, quoniam æterna est. Atqui o admirabilem, incredibilem, ineffabilem clementiam, atque humanitatem: nos ne, qui deterius etiam quid, quā uermes,

in tuo cōspectu sumus, qui nulla nostra uirtute operari ualemus, quibus nihil adest sine te, quo possimus in rerum natura commode niti: Nos, inquam, te Deus summe, & omnipotēs, non Regem, non Imperatorem, non Dominū, non Arbitrum nostrum uitæ atque necis, & quidem sine prouocatione arbitrum, sed Amicum, sed Familiarē, sed Patrem audeamus appellare: Quis hanc nobis libertatē, quis hanc fiduciā dedit? Tu idem, ò cœlestis, & clemens pater, qui per filij tui humanam carnem, & pro nobis mortem in illa carne susceptam effecisti, ut ipsius quidem fratres, tui autem filij & nominaremur, & essemus: & qui in seruorum (quamuis inutilium) numero si haberemur, maximo id honori nobis esse iudicamus: tua gratia, tua beneficētia, tua inaudita quadā bonitate in filios tibi sumus adoptati. Hæc, fratres, sæpe uobis dicta, & demonstrata sunt, neque ea uos aliter se habere intelligitis: fatemini enim, & assentitis, & in uultibus uestris uestrorumq; cordium fides permotioque elucet: & tamen, nescio quo pacto, ubi hinc que uera sunt, nutu, assensuque uestro comprobauistis, postea egressi, & ad consueta domi, ac foris negotia reuertentes, tanquam somniorum imagines, & simulacra negligitis. Quid igitur? num non eadem ueritas & in templo Dei, & in foro est? an cor uestrum lapideum potius est, ut in eo iacta semina diuini uerbi efflorescant modo paulisper, post autem continuo, quoniam sine radicibus sunt, exarescant? Videte
quæso,

quæso, & cognoscite, quoniam hic quod cognouistis autore Deo, & eodem teste uestra assensione firmauistis, id solum uerum ratumq; est, cætera autem falsa atque inania: & quidem inania & falsa ad salutem, utinam non uera ad perniciem, atque mortem. Neque mihi hîc dixerit quispiam, Quid? nonne negotiari? nōne laborare oportet, non curare rem priuatā, Rempub. Ego ista uobis non interdico, uel potius ipse non interdicit Deus: negotiari sanè æquum est, sed sine auaritia: laborare rectum, sed absq; ambitione: ita gerere Remp. ut illi priuatum commodum non anteponas: ita priuatam, ut tuo primū patris familiās officio, deinde eorū, qui tuæ fidei sunt crediti, utilitati consulas. Sunt ista honesta, & æqua, & quæ à uiris bonis, hanc sectam uitę profitētibus, sine repræhensione culpæ prætermitti non possunt. Sed quod iam non ciuilis, sed Christianæ prudentiæ & bonitatis est, non est in his finis ratio, nec designatio uitæ nostræ constituenda: Cælum enim nobis, non terra, patria est: hîc peregrinamur, hîc hospites sumus. Adhibeamus ergo ista, quæ suppeditat mundus, ut tanquam longam uiam ambulantes ad faciendum iter sint nobis adiumento: non ut suauitate sua, ueluti Syrenarum cantu, nos detineant. Atqui has ipsas Syrenas finxit antiquitas, quos flexissent cantibus, & ad sese illexissent, solitas ipsi inferre mortem: quam, si dedamus aures symphonijs uoluptatum, & si sensus nostros amore huius mudi illaque-

ari sinamus, multo nobis grauiorem atque acerbior
rem mundus affert. Illæ enim tantum corpora cor,
quos induxerant, perimebāt: Mundus autem & cor
pus & animam in idem exitium rapit. Peragremus
cum igitur ut uiatores, & exteri, non ut ciues, &
incolæ in eo nos statuamus. Quod quemadmodum
agere, quoq; pacto iter uitæ cōficere oporteat, plena
sunt nobis præceptis sacrarum uolumina literarū,
quorum illud ex Paulo documentorum optimum
est, Vt omnibus nostris cogitatis, dictis, factis, in
ter sit semper CHRISTVS. ille unus uera est re
gula, uera doctrina, uerissimum exemplū uitæ cum
pietate & cum iustitia degendæ: qui peccatum non
fecit, nec est repertus in ore eius dolus. Quanquam
nos à peccatis puri esse fortasse non possumus, à do
lo certè, Deo iuuante, possumus. Quid enim aliud
dolus est, quàm uoluntas conscia sibi ipsa quid agat,
& quid moliatur, proximum autem in fraudem &
in errorem ut inducat, nitens: quo nihil est ab homi
nis natura magis remotū. Etenim consule primum,
& prouide si potes, quo non noceas tibi: hoc si diffi
cilius est, & si te interdū cupiditates tuæ agūt trans
uersum, & corripiūt: quæ est ista iniquitas (quæ uo
luntaria certè est) ut uelis obesse alteri? Inter sit igitur
CHRISTVS in nostris consilijs, atque factis, ut
ab eo normā, atq; exemplar rectè uiuēdi in actiones
omnis nostras trāsferamus. Sicut enim sol præluces
atque imminēs, manus, pedes, oculosq; nostros ad
effici

efficienda opera, quæ suscipimus, & quæ molimur, dirigit, quæ sine eo cuncta cæcitas essent, atque erratio: sic CHRISTVS, sol iustitiæ, si actibus nostris, uitæq; consilijs interuenerit, in recta semper, & uera, & honesta ratione consistemus: ab eo enim humilitatem, & patientiam, & studium omnibus benigne faciendi, & imprimis summam illam, & constantem, & in perpetuum nulla interpellatione impeditam in Deum patrem obedientiam, fidemq; discemus: quam si nequiuerimus totam referre, imitabimur ex aliqua parte tamen, & fraternam nostram cognitionem cum CHRISTO similitudine quadam morum comprobabimus, quæ eadem Deum patrem in nobis representauit similitudo. Ad quod nos Apostolus cohortatur, Estote fratres, inquit, imitatores Dei, sicut filij dilecti. Quoniam enim nullum certius argumentum est parentis & generis, quam similitudo studiorum & uoluntatum: ideo si filij Dei sumus, illius bonitatem in nobis, in alios beneficentiam, qua possumus, imitemur. Non possumus autem illius imitatores esse, si secundum carnem concupiscamus. Quid ita uero? Nempe quia Deus uita est, ita habens uitam in semetipso, ut aliunde eam non accipiat: sed ipse fons, & origo uitæ sit cæteris omnibus. Cum igitur uita sit Deus, qui mortui sunt, hi nequeunt iam profecto cum Deo conuenire: quomodo enim conueniant? aut quid est tam contrarium inter se, tam repugnans, quam uita & mors? Si ergo Deus uita est, &

quidem

quidem natura sua, atque essentia, uita : cōcupiscētia autem carnis est mors , qui concupiscunt secundum carnē, placere Deo non possunt. Quod autem cōcupiscētia carnis mors sit , possunt quidem per multa dici, sed erimus contenti beati Pauli testimonio, quod ita perspicuum, apertumq; est ut interpretatione non egeat . Ille enim ad Romanos scribens, Qui in carne sunt , inquit , ea student quæ sunt carnis: qui in spiritu, ea quæ sunt spiritus. Porro studiū & sapientia carnis, mors est; studium autem spiritus, uita, & pax. Nam sapientia, inquit, carnis inimicitia est in Deum: siquidem legi Dei non subest, ac ne potest quidem subesse. ideo qui in carne sunt, Deo placere non possunt. Audistis fratres testimonium Spiritus sancti, & de carnis studio quid is proferat, intellexistis : quanquam non uno in loco , sed in alijs compluribus idem eodem modo testimonium ueritati datum est, Carnalia uidelicet omnia non mortalia solum sed mortifera etiam esse, usque eo quidem, ut corrumpendo corpus, cuius facilis est dissolutio, corrūpant etiam animū, qui debuit esse penes Deum incorruptus. At quænam ista opera carnis? Paulus illa enumerat ad Galatas loquēs, Manifesta sunt opera carnis, quæ sunt, Adulterium, Scortatio, Impuritas, Petulātia, Idololatria, Veneficiū, Inimicitia, Lis, Obrectationes, Iracūdiā, Contētionēs, Seditiones, Sectæ, Inuidiā, Cædes, Ebrietates, Comestationes, & quæ similia his, quæ prædico uobis, sicut & ante dixi,

dixi, quòd qui talia perpetrant, regnum Dei hereditate non consequuntur. Non enim, fratres, talibus ullum confortiũ est aut cõmunitas cũ patre Deo: in his enim peruersitas, & cõfusio inest, & plena prauitatis, perfidiæ, iniquitatis, temeritatisq; hominũ uoluntas, sæpe eadem accensa odio contra proximum; & quicquid mali atque exitij queat, illi meditans. Quomodo igitur isti charitatem Dei in se ipsi habebunt? Si enim, ut Apostolus ait, proximum suum quem uident non diligunt, quomodo diligunt Deum patrem, quem non uident? Et sane omnia sunt huiusmodi à lege, & bono more, & recto ordine penitus aliena, quo ordine maxime delectatur Deus. In his denique habitat & regnum suum omne obtinet mors, qua nihil eidem Deo inimicius esse potest. Habetis propter quam causam in his, qui concupiscentiam carnis habent, charitas patris non inest: eã re uidelicet, quia mors & uita nequeunt cohærere, & qui proximum non diligunt, Deum non possunt diligere. Nunc uideamus alterum genus disiectũ à Deo, quod est concupiscentia oculorum, quæ ipsa quoque Dei societatem & contubernium repudiat, est enim tota leuitatis & inanitatis: nanque uagari oculis, & eorum delectamentis undiq; capi, trahiq; in cupiditatẽ omnium quæ pulchra aspexeris, gemmas, ebur, uestes, uasa, statuas concupiscere, ornatus domi parare magnificos & sumptuosos, ambitione honorum & magistratuum corripì, uelle salutarì,

honorari, conspici, inutile profecto studium, & plane uanitas tota est. At Deus ipse summa & absoluta ueritas: quâ ergo possunt uanitas & ueritas inter se consociari? nullum est commercium, nulla copulatio: Igitur cum hac quoque oculorum concupiscencia charitas Dei iungi non potest, non solum quia amatur quæ inania sunt, quem habitum animi quæ uera sunt & solida, nequeunt delectare: sed etiâ quia in tam uolubili, & tam uaga mente stabilis Dei amor consistere non potest. Atque hoc genus secundum, minus quidem aliquanto perniciosum quam primum, quod concupiscenciam carnis esse dicebamus, tota tamē sui mobilitate leuius est: omnia enim prorsus, quæ ex hoc genere expetuntur, & uana sunt ipsa, & totum genus uanitas. Quod ita esse, si quis forte experimentis non est doctus (quanquam omnes qui aliquantum modo in hac uita sunt progressi, doctos esse oportebat) tamen si quis errore mentis adhuc ducitur, & in hac inscitia iactationeque uoluitur, ut uana ista pro ueris ducat, legat is Ecclesiasten, credat diuinæ scripturæ testimonio, capiat documentum ab his, qui sapientissimi, & eruditissimi habiti, uana hæc omnia, quæ oculis conspiciuntur, & ad ueritatem uitæ inutilia iudicauerunt: tamen potest unusquisque, qui ætate processerit, ex se ipso documentum capere. Quotus enim quisque est, cui uiro iam facto, quæ in pueritia iucundissima uisa sunt, eadem nunc placeant? aut cui senī ea, quæ olim uiro? Quid?

non ne

non ne quotidie sententiã omnium ferè rerum commutamus, & quod placuit heri, hodie repudiamus? Quod iccirco euenit, quoniã non est in rebus ipsis, quæ sensibus percipiuntur, ac ne in nobis quidem qui percipimus & sentimus, certa ulla stabilitas, quæ ualeat nos in eodem animi statu diutius continere: semper enim aut tempus, aut locus, aut animi corporisq; noua aliqua affectio uariat iudicium: quod de Deo, atque in Deo, tãquam in re una omnium uniformiter & immutabiliter eodem semper modo se habẽte, uariari non potest, nec semel cognita & percepta de ipso ueritas, nisi per amentiam aut imbecillitatem mentis dimitti: quorum alterum morbi & naturæ uitium esse solet, alter argumẽto, nunquam antea planè id fuisse perceptum, quod nunc tam leuiter dimittatur. Ergo hæc quoque pars mundanorum studiorum ingrata Deo, & ab eius dilectione longe remota est. Quid tertia, quæ tota noctis & tenebrarum est, Ostẽtatio uitæ uidelicet, num habere potest consortium aliquod cum Deo? Nihil enim uero minus: ut enim dicit scriptura, Deus lux est, & tenebræ in eo non sunt ullæ. Quis ergo tenebras cum luce coniunxerit, aut solem cum nocte uiderit bene conueniẽtem? Quid disiunctius, quid alienius, quid insociabilius? Purum est omne quicquid est ex Deo, & simplex, & lucidum, & in omnem partem sibi patens, nullo artificio, nulla adulteratione fucatum. Tu cum te ostẽtes, & fingas, maioremq; quàm

sis, uelis uideri, cum ea te simules habere ornamēta, quæ non habeas, totumq; fraude, ac mēdacio te ob- uoluas, quærasq; latibula conscientix tuæ, quo cir- cumuenias proximum, falsaq; ad populum opinio- ne te efferas, hisq; aut quæstum, aut honorem artis bus aucuperis, aut etiam ipsa per se fallacitate dele- ctare, cum inflatum animum & simulatum morem retineas, putes te habere charitatē in te patris. Non his ille studijs, non his hominibus, non his moribus delectatur. Ipse enim Lux est, & Veritas, & Vita: hæc autē tria, quæ ab Apostolo nominatim expres- sa sunt, Tenebræ, Vanitas, Mors: nulla ut queat esse omnino inter tam dispares naturas beneuolentiæ coniunctio. Quæ cum ita sint, fratres charissimi, & cum Solis luce clarius cernatis, unum nobis tutum perflugium esse Deum, unam sapientiam, quæ illum poscit, unam ueritatem quæ diligit, unam immortā- lem uitā quæ assequitur: Quid est, per Deum ipsum æternum, & immortalem, quem totiēns iam nomi- nātes cum pietate inuocamus, perq; I E S U M Chri- stum filium eius Dominum nostrum, in quem fides- liter credimus, & per Spiritū sanctum, cuius inter- nis afflatibus excitati, in cœlum oculos animosq;, tanquam ad patriam & cognationem nostram at- tollimus, quod uobis in his tribus magnopere ex- petendū esse uideatur, nisi uos forte mortem & cor- ruptionē uestram, non immortalitatē felicitatemq; appetitis: Quod ita mori, & quidem ad perpetuam

damna

damnationem mori, si uobis sit propositum, & si uestros id ante oculos præsens offeratur, horreatis, timeatis, refugiat, ad id per circuitus uia & flexiones alias itinerum nihilominus deuenire, nonne uobis est omni ratione fugiendum? Sapientia foris prædicat, in plateis dat uocem suam, clamat in capite compitorum, in foribus portarum urbis profert uerba sua, dicens, Usque quo paruuli diligitis insipientiam? & stulti quæ uobis sunt noxia cupitis? & dementes odio scientiā habetis? cōuertimini ad correptionem meam. Qui me audierit, habitabit tutò, & sine metu requiescet: intelliget timorem Domini, & scientiam Dei inueniet, qui custodit rectos ad salutem, & simplices corde conseruat. Atqui fratres ne sitis inscij, hæc tria membra mundanæ iniquitatis, quæ modo memorata sunt, arma eadem sunt & instrumenta Diaboli, hoc est rectoris & præsidis tenebrarum mundi huius, per quæ ille nobis trasennas tendiculasq; apponit, ut illaqueatos & irretitos in suam redigat potestatem, genusq; Deo dicatum suam prædam efficiat. Ille falsas sæpe obijcit utilitates opum, diuitiarum, agrî, pecuniæ, ut spe earum rerum assequendarum correpti, nec fidei, nec humanitatis, nec æquitatis ducamus rationem: ille lenocinijs, blanditijsq; uoluptatum nos corrumpit: ille ad cupiditatē inanis gloriæ nos incitat, rebusq; tum secundis pertentat, tum aduersis: nullam deniq; machinam, nullum oppugnandi artificium omittit,

quo nos non & peruertere stantes, & fundamento stabili nixos, qui est CHRISTVS, conuellere inde, labefactareque conetur: Cui resistamus quæso fratres, fide erga Deum, & constantia animi aduersus prauas cupiditates armati: spes rerum cœlestiū una est, quæ nos pascere, quæ delectare debeat; illa nobis spectanda, sectandaq; est utilitas, quæ & ueritatem contineat in se, & perpetuitatem: Illa gloria quarēda, quæ sit immortalis. Quæ cuncta Dei unius dona sunt, eaq; ab eo petere, expectareq; debemus. Nam mūdus quidem suis muneribus nos decipit, & cū effecerit, ut eius illecebris inducti, à Deo desciscamus, tum omnis illa fallax & personata bonorum mundanorum species ueros uultus suos aperit, atq; monstrat: tum pro breui utilitate perpetuum damnum, pro inani gloria, uerum & perenne dedecus, pro uoluptatum & suauitatum oblectamentis æterna igniū supplicia nos inuenisse cernimus. Est quidem locus nonnūquam misericordiæ apud Deum, dum in hac sumus uita, si nos ueterum nostrorum malefactorum poeniteat, tanta eius est benignitas, tanta placabilitas: sed & sepe poenitendi nulla nobis facultas datur, quòd animus infectus sæpenumero diuturna consuetudine delinquendi, & contaminatus totus, aditum ad Deum reperire nullum potest: & præterea accidunt præter spem multa quotidie in uita, quæ locum consilij melioribus non concedunt, ut semper parati, semper uigiles, semper attens

ti aduentum sponſi expectare in ſacris literis iube-
 amur. Hoc qui faciunt, ſerui apud Dominum gra-
 tioſi ſunt: quos ille, cū uenerit, ſecum iubebit ac-
 cumbere. Atque ut exemplis quoque hæc illuſtris
 ora faciamus, hic præſens mæror, hæc ſummi uiri
 mortui luctuoſa cūctis, & acerba recordatio, non ne
 quantum ſit boni in honeſta, pia, & religioſa uita,
 perſpicuè uos docet? Quod ut melius intelligatis,
 aliquot hominum potentia & opibus, quoad uiue-
 runt, florentiū (ſi id florere eſt, cum infamia & odio
 omnium ſerè gentium honoribus extolli, fortunis
 abū dare) exitus quæſo & mortes recordamini, quo-
 rum ego neminē nominabo, ne mea uox cuiquam,
 quamuis male de Deo, & de hominum uita merito,
 contumeliam inferat. Vos ipſi cogitare cum animis
 ueſtris poteſtis, quotiens eorum, qui cum eſſent in
 honore & poteſtate, opibus ſuis ad exemplum im-
 probitatis & detrimentum Chriſtianæ Reip. abuſi
 ſunt, eſſet mors nunciata, quid ſenſeritis, quid iudi-
 caueritis, quid intra uos & cum cæteris fueritis lo-
 cuti, cū bene actum cum genere humano tunc eſſe
 diceretis, quòd illa peſtis è medio eſſet ablata, cū
 laceraretur, qui dignus erat, omni genere maledi-
 ctorum. Quod quanquam inhumanum eſt, & in
 Chriſtiano homine nō p̄babile: (miſericordia enim
 potius, quàm iracundia eiufmodi hominum mors
 proſequenda eſt, quos grauius excipit ſupplicium,
 idēq; ſempiternum, quàm poſſit noſtra mens cogi-
 tando

tando describere) tamen interdū lingua promptior cōsilio est, præsertim cū iure uidetur posse uibrari. Sed si quos tales in memoria habetis, uidete quid inter illos, & Federicum Fregosium Cardinalem inter sit. Illi & se ipsos & sua secum omnia, præter malam famā, suiq; nominis odium superstes apud homines in æternum interitum traxerunt. Federicus nihil omnino sui, præter corpus amisit, quod & suapte natura mortale est, & fragile, & in illo morbis & articulorum doloribus ualde erat infestum: præclara quidem illa, atque diuina, quæ splendebāt in eo, uirtutis, doctrinæ, iustitiæ, religionis, misericordiæ in pauperes, in Deum summæ & singularis pietatis ornamenta, in quibus ipse totū sese collocauerat, ex quibus semetipsum censebat atque expendebat, & ab omnibus nobis pendebatur, neq; mortua sunt, illo ex hac uita abeunte, neq; possunt mori. Quicquid enim Deo acceptum est & gratum, nihil in eo iuris habere mors potest. Ille uerò cū in hac uita uiueret, tanquam cœlestis in terra ciuis, cū in omnibus suis consilijs atque factis nihil meditaretur, nihil præ oculis mentis haberet, nisi cœlum atq; Deum, non mortuus esse, cum ad eum ipsum quem cupiebat accesserit, sed nunc demum uiuere uerè cœpisse est existimandus: neque uerò uos sentire aliter potestis. Quid enim est ex eo, quod mortuum possit dici? num uirtus, pietas, sapiëntia, religio? At ista sunt maximè, quæ immortalem uitam faciunt, quæ
si mori

si mori ipsa possent, nihil omnino esset in omni natura rerum non caducū & mortale. An mens eius, & sermo, & incredibilis in eo Græcarum, Latinarū, Hebræarumq̃ literarum scientia, quæ uiuit in scriptis, & uictura est: plura enim ille confecit sui quidē præstantis ingenij, sed multo magis pietatis, & religionis monimenta, ex quibus nos aliqua legimus: cū is ortus familia nobilissima, magnis auctus honoribus, uersatus in rebus maximis cum autoritate & laude, cupidus uitæ quietioris in Gallicanum cœ nobiū, quod Christianissimi Regis dono regendū, tuendumq̃ suscepit, se contulisset, atq; inibi cum religiosis fratribus nonnullis nocturnā, diurnamq̃ operam sacris literis impendens, conciones sæpe ad fratres hortandi, docendi, monendi, consolandiq̃ causa, more maiorum, sanctissimorum quidem patrum & eruditissimorum, haberet. Quid amor, & beneuolentiæ studium admirabile, quo cuncti ubiq̃ homines illum prosequerentur, num mortuum est: immo uerò exarsit acrius, quàm unquam antea, nec patitur ferri sine lacrymis tanti uiri desiderium. Quid honestissimorū, modestissimorum, humanissimorumq̃ morum, uel corporis eius tanquam domus, uel mentis atque animi tanquā domini, quasi quædam lauta preciosaq̃ supellex, non ad usum & ornatum huius mortalis uitæ (quanquā & hanc illa uitā insigniter ornabat) sed ad fructum illius sempiternæ ab ipso comparata, potest ne dici in eo interiisse?

Nominis uerò laus atque fama, tantarumq; in eo & tot uirtutum admiratio, moritura ne unquam in commemoratione hominum est? Vos metipsi uidetis quanta celebritate sermonis, quanta commemoratione omnium, quantis cunctorum præconijs & laudibus in cœlum efferatur. Quæ igitur in scelera-
tis & improbis hominibus nunquam uixerunt, integritas, æquitas, continentia, bona fama, religio, hæc eadem in sanctis & pijs mori non possunt. Atq; hæc quæ diximus priuatim ad ipsum pertinebant: quid quæ ex eodem ipso ad utilitatem publicam? Rexit olim Genuam patriam suam, urbem opulentam & nobilem, pollentem in Liguribus terrestri imperio, dominantem maritimo, unâ cum fratre suo Octauiano Fregosio, magno quidem homine militaribus factis & honoribus, sed imprimis omnium quos nos unquam nouimus, humanitatis, iustitiæ, integritatisq; obseruantissimo, quo unquam Genua statu rerum, dum illa ciuitas illo modo, hoc est per factiones & partes gubernabatur, florentior fuit, cum nihil præter æquum & bonum permitteretur cuiquam, nec in studijs & dissensionibus partium, quæ in illa Rep. assidue uigebant, qui particeps erat dominatus quicquam plus posset per uim & iniuriam, quàm aduersarius eius per ius & iudicium. Eo tēpore noster Federicus pyratas classe insequens traiecit in Africam, oppida aliquot ui cepit, hostium manus fugauit, redijt in patriam uictor, post com-
mutatio

mutatione rerum in Italia facta, cōcessit in Galliam, maximoq; ibi apud Regem in honore fuit, reuertit in Italiam, & in Eugubinorum ciuitate, quam habebat sedem Sacerdotij sui, domicilium omnium suarum curarum, rationumq; constituit, quas ille in cœlo omnes, nō in terra, fixerat: ibi ter intra aliquot annos magna caritate frumenti, & graui fame exorta, fructus suos omnes ecclesiasticos in subueniendo egenis & pauperibus effudit: quorum tamen pauperum omni tempore maximam curam sustinebat. Cumq; domi humilis & compositus, foris gloria fama q; indies cresceret, à Paulo tertio Pontifice Max. qui talibus uiris ecclesiasticos honores libenter solet demandare, ignarus, & absens in amplissimum ordinem S. R. E. Cardinalium est cooptatus: in quem ego quoq; paulo antè eiusdem beneficio Pontificis peruenerā. Ita ad nostras ueteres, plurimasq; amoris & necessitudinis causas cūm accessisset collegij coniunctio, essem autem absens quo tempore ille Romam se contulit, sperabam fore in reditu illuc meo, ut instauraretur inter nos, & renouaretur pristina illa duorum & XXX. annorum consuetudinis colloquior, familiaritatisq; suauitas, quæ communicationem omnium actionum, consiliorumq; haberet, præsertim cūm idem ambo de Rep. & senti remus, & uellemus, ac mihi in hac spe & lætitia animi consistenti, nunciata eius mors, acerba mihi illa quidem, ipsi profecto prospera, & salutaris, omnia

in luctum & mœrorem commutauit. Mihi enim & Reip. occidit ille, non sibi; Et quanquam eius noua uita cœlestis, & sempiterna, ab ijs, qui illum amarūt, non gemitu, neque lamētis, sed gratulatione potius prosequenda sit: tamen omni mea perempta lætiore animi spe, ex charissimi hominis obitu non mœrere non possum. Hauseram equidem aliàs dolores huiusmodi ex amicissimorū mortibus, collegarumq; præsertim, (quando ego ita natus, ita factus sum, ut quibus cum honoris & collegij societate sum iunctus, eos non modò hac specie publici cultus, atque officij, sed uera charitate, beneuolentiāq; complectar) Acceperā, inquam, grauis alios dolores, ut ex morte Nicolai Germani Archiepiscopi Capuæ, hominis excellenter & integri, & prudentis: qui multarum rerum usu & ingenij ac uirtutis laude in hunc honorem ascenderat, fueratq; mihi triginta annorum amicitia & familiaritate suauissimè coniunctus. ut ex Laurentij Campegi, qui cū ingenio, gratia, auctoritate, iuris scientia permultum in Curia, & in senatu nostro posset, eam sapientiam, easq; uirtutum & fortunæ opes, quibus insigniter erat instructus, in consilijs pro Rep. capiēdis, & in utilitatibus amicorum, clientumq; procurandis libentissime erogabat, uir cū commodus omnibus, tum præcipuam erga me beneuolentiā semper conseruans. Quid de te dicam Iacobe Simoneta; quem clarissimum iuris ciuilis, pontificijq; consultum, maximarum & plurimarum

rimarum

rimarum rerum integerrimum iudicem, grauissimum, præstantissimumque Cardinalem nostra perspexit ætas, nonne tu tibi me meipsum proposueras, quem eximio præ cæteris amore quodam complecterere? In quo ego tibi non eram ingratus: pari enim beneuolentia & dignitatem obseruabam tuam, & uoluntati erga me respondebam: quod uinculum amoris mors certe tua apud me non interruptit, cuius acerbitate & iniuria cætera nostræ amicitiae officia sublata sunt. Sed ut in corpore male affecto posterior morbus antecedente semper grauior esse solet: sic hoc postremo uulnere penitus abiecti sumus. Ereptus enim est nobis is & amicus & uir, in quo omnia, quæ singulatim in cæteris habebamus, in unum mihi collecta erant, non solum officia uerissimæ amicitiae, sed uitæ etiam nostræ solatia. Viximus aliquando unà, operam simul philosophiæ dedimus, fuimus in eodem aliquandiu contubernio, cum ego ipsius domo & fortunis tanquam meis uter, ille me sibi omnibus in rebus quam maximè uellet esse coniunctum: nec tamen hunc dolorē meum, quem ex obitu illius grauissimum cepi, palam profiteri audeo, ne uidear mortui felicitati & gloriæ inuidere: cum ille etsi nobis interiit, sibi tamen beatius uiuat. Habet enim ille iam Deum omnipotentem ante oculos, quem semper concupiuit: habet IESUM Christum Dominum nostrum, quem amauit: habet Spiritum sanctum, cuius antea monitis & intestinis

animi illuminationibus dirigi erat solitus. Atq; hæc habet, cōsecutusq; est sua quidē fidelitate in Deum, & obedientia: sed multo magis eiusdem Dei benignitate & misericordia. Quapropter, quod agere soliti sumus fratres, quodq; catholica ecclesia discipula semper Spiritus sancti optimo more sanctissimacq; lege faciendum nobis præcipit, ut oremus pro fratribus, qui in Domino diem suum obierunt, pro hoc summo uiro & præstātissimo Cardinale cuncti faciamus. Siue enim ille iam in gloria est, seu proximus ad gloriā, sine dubio nostra illum aut iuuabit, aut delectabit oratio. Cui mori dum obtrectāt noui isti, & impij legum, & consuetudinum ecclesiasticarum reprehensores, non prauitate animi solū, sed etiam sacrarum literarum ignorantia ostendunt se errare. Si enim Charitas ex uirtutibus tribus Christianis una nūquam excidit, non potest illius usum, atque fructum mors profecto corporis perimere. Charitate adipiscimur, ut filij Dei simus: charitate assequimur, ut fratres fratribus, & ferre inuicem opem, & accipere possimus. Quod inter nos, uel uiuentes, uel uita functos commercium, & Christianæ charitatis uinculum, si morte solueretur, falsum esset non excidere charitatē. Quod cū falsum esse non possit, (non enim mentitur Spiritus sanctus) charitas eadem semper & ad Deum patrem, & ad fratres nostros, & in hac uita nobis permanet, & augetur in altera, itaque & nos pro mortuis Deum utiliter ro-

gamus

gamus, & rogant eundem Deum mortui, qui in cœlo uiuunt, pro nobis : quorum preces & supplicatio ut nos cum ipsis unâ cœlestis uitę efficiat compotes,

Dei nos gratia excipiente & misericordia, eun-

dem Deum fratres assidue rogemus, ac

deprececur. Cui soli Deo Patri &

Filio & Spiritui sancto honor,

& gloria & ex æterno est,

& in omne seculum

semper erit.

Amen.



1042.27

2



nei

